

Die verbörrete/vnd erhartete Käle erweicht es/ bekommt wol der Lungen/ Brust/ Leber/vñ Milz/ zertheilet/ purgiret vnd reiniget die grobe feuchtigkeit vnd schleimigkeit/ so ihnen schädlich ist/ zeucht auß ihnen wol den Eyster vnd Husten von der Brust/ erweicht die harte Lunge / machet wol außwerffen / hilfft wieder Lungen vnd Schwindsucht / machet wiederumb feist vnd wol Leibig / dienet wider alle Bresten/ Wehetag/ Flüsse vñ mangel der Brust / nimpt die Lebersucht gantzlich hinweg / erwärmet die erkalte Brust/ Leber vnd Milz / vnd führet von ihnen die kalten windigkeiten / hinwiederumb auch linderts / vnd löschets die grosse vnd vbrige hize der Leber vnd Milzes / erweicht das harte Milz / eröffnet gesagte Glieder von allen verstopffungen/ vnd stercket sie/ erlediget sie auch von allen ihren Kranckheiten/ Schwachheiten/ Gebrechen/ vnd dardurch verursachten schmerzen/ Curirt Wassersucht / Gelbsucht / quartan , tertian , vnd sonst alle Fieber / ja auch Hecticam. Dem Herzen ist's gut/ lindert dessen hize/ vnd vertreibet auch hinwiederumb von ihm alle kalte bläste / windigkeiten vnd blehungen/ so dasselbige beschweren/ stercket das Herz/ vñ benimbt sein zittern vnd ohnmacht / dienet gegen alle des Herzens wehetagen. Erkaltetem Magen bestombts wol/ wärmet solchen / führet auß demselbigen die windigkeiten vnd blehung so wol die darinnen veralteten vnd vndawige Speysen/ eröffnet des Magens verstopffungen/ vnd reiniget ihn von grober feuchte/ Phlegma, vñ Cholera, leget auch die vbrige böse hize des Magens/ vñ löschet den Durst/ stercket den Magen/ fördert die Darung/ vertreibet allen vnlust/ vnwillen/ grawen/ vnd erbrechen/ ja alle Kranckheiten des Magens / die kalten inwendigen Bläste treibets/ von vnd auß den Lenden/ Nieren vnd Blasen/ vnd erwärmet dieselbigen Glieder/ reiniget Lenden / Nieren vnd Blasen von aller bösen Phlegma vnd groben Schleim / bricht allen Stein / vnd treibet den sampt allen Sand vñ Griesß (weil es gar wol Harnen macht) auß/ benimpt das tröpfflichte Harnen/ vnd kalte Seiche/ stranguriam, auch alle wehe ermelter Glieder / heilet den Bruch / stercket die gedachten Glieder / mehret sperma, bringet lust zu Weibes beyschlaff/ vnd machet sehr fruchtbar.

Die von feucht vnd kalte verstopffte Beermutter eröffnet / purgirt / vnd reiniget / bringet vnd treibet Menstruum, führet todte Geburt auß / erwärmet die erkalte Mutter / vnd treibet die kalte windigkeit von ihr /
machet